



御題名勝圖繪詩集卷之一

神京二十景

各有小引

重明遠照

明遠樓三層崩岌四望玲瓏南北



東西指顧階除景色飛潛動植匯

歸窓檻風光招邀星宿之文章總

攬山河之錦繡

擎天直聳絳空中三堞巍峩達四聰
璀璨雲霞蒸綺檻晶瑩日月瞰雕櫳
千方風景常光朗萬里山河盡會通
精一危微思燭隱高明悠久道欽崇

兼圖畫



神

京

第貳景

登樓

久來有事懶登樓
適值晴和縱步趨
星宿文章天地態
江山錦繡帝王都
非關我意優游樂
且喜吾民富庶娛
風景當前堪寓目
縈懷南顧為邊籌

登明遠樓舒望有會

重臺崩劣建高樓攬勝烟霞六合收灝

瀚壯觀通海溢岑嶽指顧歷山陬

明遠樓於

重臺之上百雉巍峩營建三層樓登臨

遠眺克廓襟懷頗自順安海口至京城

香江御橋三十二里零百丈餘又自御

橋至明遠樓二百餘丈以千里鏡窺看

可見船艘進出口至三垣乾象堪推

若遠岫羣峰歷歷在望

得一片人心可見不當作期無民隱處

明能致遠要深籌

永紹芳聞

紹芳園娑婆珠樹馥郁瓊英雨露
鴻霑百卉繁豐生色池塘真趣四

時濃豔留芳永衍春暉紹聞香惹

豈徒駘蕩紫紅鮮接續芬芳年復年蘭操
荷規良有以菊貞梅覺亶其然草花物外

春光駐圖史堂中道統傳聊寓驗時勤勸
課觀思述作太平天



春光駐圖史堂中道統傳聊寓驗時勤勸

課觀思述作太平天

春光駐圖史堂中道統傳聊寓驗時勤勸

課觀思述作太平天

承紹芳圖



神

京

第三景

紹芳園之皇福殿庭前洋香簪復

見開花風惹異香令人感慨成

咏

春芬菲兮秋芬芳接續綿延有飶香不

讓高魁梅染雪更全晚節菊欺霜湖山

在望花長好歲月何忙景自傷感慨

遺恩霑草木承

麻斂福錫群方

春芳
紹芳園散步偶成四截

幾暇鞋穿卍字廊花明香惹藹韶光東

君有意供清賞萬紫千紅接續芳

幾響綿蠻綠樹頭豈非得行話春留遷

喬出谷安棲止羞作虛糜稻麥謀

殿柳清陰覆御溝金鱗翠影湧春流也

欣得水浮游適嘖嘖寧能是否不

雨露今年覺倍多含青洗綠樹娑婆情

怡不在園中景時若堪欣野外禾

曲
夜月光澄光榭得句

用進
退格

曲檻橫臨玉液池
波奩天鏡闢明輝
穿雲影水魚珠射
跨浪涵空兔魄移
竹手招風清爽至
荷心浸露悶香飛
採菱何處扁舟過
亭畔人聲月逗時

秋晴紹芳園即事

煙散雲收玉宇光
金風乍拂轉清商
碧

榆紅蓼陰森色丹
桂黃花接續芳園樹
也知霜弗患埜禾
但得潦毋傷驗晴測
雨無時暇觸景興
懷偶咏章

題永芳軒

集慶千紅萃一堂
凝禧首祚有花王
羅舍盛德傳春馥
康樂閒情愛夏香
秋蕊

寫懷陶令尹冬芬雅興孟襄陽長留造

化瓊林景接續年年信永芳

松風應未老神心

雨無却迎澗景興

山

餘

淨湖夏興

用進退格

淨心湖澄清萬頃澹宕雙泓一帶

長堤雲霓橋祀三神僊島海蜃樓



臺優游南閣薰絃悅懌阜財之化

宇景象西池壽域依稀勝會於清

都無限風光莫形景致

澄練涵空一望賒
簷牙影水蘸星河
樓臺花樹長生景
天地江山四海家
武扇漫教施化日
舜琴宛爾入詩歌
依然仁智情無限
同樂交孚萬物嘉

淨世百興



神京

第三景

幾暇步過淨心湖感作二首

堪憶當年掖

輦臨宮花濃豔柳成陰三洲生色風光好

百子承

顏

寵澤深此日稱

觴歌舞地茲時對景慘愁心學詩

芥正垂爨

訓養

志翻教判古今

明命庚子恭逢我皇
五旬萬壽令節予

請於皇城中瀛洲後湖等所陳設以臚

歡奉再請以淨心湖蓬瀛殿為祝

嘏之所允自春首以至萬壽

嘉辰有值佳節如人日花朝上巳清和

則先時奉表請駕臨幸仰邀

優游自寧以舒宵旰時花朝予率群弟

奉表請駕賞節云茲者將近花朝

佳節更增上苑芳辰淨心湖之春水澄

清蓬瀛殿之條風薦爽青雀徐移畫舫

週迴仁靜智流金鶯綿亘錦堤豔藹花

神景致紅蕖連綠柳沐恩膏於富

貴之天碧藻接白蘋綴文彩於繁豐之

地總屬鶯堤春色更兼曲榭荷風悠揚

君子之香晻靄瀛洲之島簷牙影水波

光涵澄練湖樓椽桷拂雲瑞氣盎浩然

玉宇蓬萊真景足徵聖世明時方

文神山儘是春臺壽域玉帛四方輻輳
 北闕輸誠笙歌萬戶嬉遊南薰攬勝魚
 躍鳶飛至理養性天然山容水態新奇
 清心湛若三洲曉景三春之物態都涵
 四達方亭四序之風光盡納子臣等情
 殷孺戀念切瞻依 康強快觀
 知天溫清常懷愛日慶 五袞弘開
 壽宇億萬年悠久之 壽祺躋一世
 咸樂春臺十八款覃敷之 春澤天
 人洽慶海宇騰懽四境救寧仰見 宵
 憂勤治效 萬幾時勅頌祈
 旰舒懷今國家閒暇之時正節序暄和

之勝子臣等抒誠祝 嘏張燈結綵
 以承 歡恭請 駕臨獻 壽

稱觴而慶賀輒敢預先陳 奏恭頌
 恩命欽奉我 皇考聖筆批可

其奏再蒙 按句加點逐款 斧
 正如青雀 名船徐移畫舫週迴仁靜智流

金鶯 名堤綿亘錦堤豔蕩花神景致仰蒙
 聖筆加點又於紅蕖爭綠柳沐

思膏於富貴之天碧藻遶白蘋 綠紅柳
 皆碧藻白蘋綴文彩于繁豐之地欽蒙

聖筆改正為紅蕖連綠柳碧藻接白
 蘋又於簷牙影水波光涵澄練 樓湖樓

棖楠拂雲瑞氣盎浩然名堂玉宇又於魚
躍鳶飛至理養性名軒天然山容水態新

奇清心名榭湛若均蒙 聖筆加點三

洲蓬萊島方丈曉景三春物態增妍四

達名亭中亭四序風光盡美奉 聖筆

改正為三洲曉景三春之物態都涵四

達方亭四序之風光盡納寔惟 慈

愛特異言及涕零茲覩此光景難勝悲

慟情懷予其何怙

乎事成夢幻也

遣悶聊尋上苑來感時風景悶難排媚

春柳態依依展迷古花神默默開息木

乘舟常在耳敷菑作室不忘懷湖山入

望情何限未暇遊觀且別回

用進退格

幸淨心湖感作

桂楫徐移泛曉天空明一望湛漪連紅

蒸曲榭樅初醉青藹長堤柳乍眠三島

樓臺追昔日

蓬萊方丈瀛洲

兩湖煙景減當年

湖南湖北

深思堂構情何限感慨承

顏舞綵筵

明命庚子我壽大慶節余祝

皇考五旬萬報于是處

之蓬瀛殿不覺今昔兩分湖山如在更切情懷感慨其曷既也

舒苑春光

舒光園重臺四繞萬紫千紅當於

和煖良晨旖旎新粧之濃豔正在



條風扇物芬菲瑞氣之佳聞花樹

鮮妍乾坤明媚

厭笑多勞羯鼓催洪鈞一轉百花开融怡

煙景璿璣鏡璀璨池塘錦繡堆桃李不言
 多勝賞芝蘭俱化暗香來豈饒專美推唐
 宴留作親賢愛漢才

錦苑齋卷



神

京

第四景

御園得月

御園中秋宵寂靜禁闈深嚴明輝

萬丈絳空皓潔金波之影澄澈一

灣藍水光凝玉液之池宿鳥驚啼

花樹暗穿振翼游魚浮泳星河虛

躡搖唇天然景致有情總是月明

如畫

莊肅宮垣夜漏平
 秋池金鏡共澄清
 樓臺倒影銀河派
 花樹成陰白玉京
 燭隱幾微堪比擬
 高梯遊玩費晶瑩
 萬家盈手無私照
 千里同心有賴明

御園得月



神

京

第五景

御園雨後

煙光樹色黛山容
浥翠樓臺瑞氣濃
測

水尺魚分匹練櫛
風霜鳥入雲峰娑
娑

覺岸觀音竹蒼古
靈巖羅漢松漸漸
東

升明智月聲傳百
八送禪鐘

御園中有
洪仁寺遠

送暮鐘故
咏及耳

御園晴日偶作

晴天亞歲好相逢
陽長陰消餞仲冬
殿柳透迤鮮色著
宮梅迢迤暗香濃
翠霄樓綺紅雲現
玉液池光碧蘚封
一片化機生物意
履長漸見迓春從

御園春晴晚坐

平嶺香濃磬口梅
望霞亭畔玉成堆
池波天色文章著
春霽園花錦綉裁
金螭橋飛迴岸伏
翠霄樓矗暮雲開
穿塘櫓響乘風舫
過樹鞋聲上月臺

御園二十二首

雕楹高聳俯臨池
遙對南峯衍壽祺
山

水兼收增壯固

乾

坤錫羨萃繁禧

右天申殿

背依翠岫作簷楹
面瞰池塘印太清
樂水樂山無限意
成人成己有餘情

右翠霄樓

金梁橫架夾西東
橋上巍樓植正中
瞰水輪囷分彩色
當窻糾縵出奇峰

右慶雲樓

半倚平堤半水汀
堤花常好水波明
窻迎日月千年在
練印星河萬景生

右長春館

禁苑東明構數椽山青水秀繞階前萬
幾清暇觀墳典自有娛心對聖賢

右留意書齋

小院依依伴翠林風迴日午覆清陰窻
櫳深邃安而靜滿架圖書見道心

右仁智堂

園中爽塏構雕甍四序群芳集慶呈歲
月長存風景麗天真雅趣自然成

右延禧堂

鎮波石島建高亭夕照天邊縱覽明遠
岫九光蒸綺彩織雲鳥陣錦綃生

右望霞亭

湖亭高嶼起當中
八表無非達四聰
杜漸永期無隱蔽
閑邪益凜慎淵衷

右四照亭

峙立重簷倚半空
青雲碧落擁雕櫳
湖山花樹陳階下
風物乾坤勝覽中

右永恬軒

止於至善聖言傳
王道何妨好善緣
佛日增輝仁普濟
爲民祈福利人天

右洪仁寺

一灣澄澈陡涵空
星宿雲霞細練中
清擬仙壺餘酌下
芳留荷芰薦香風

右玉液池

縈迴一派繞園中
澄湛長流舟楫通
不遜江淮皆智水
金鱗得所亦淵洪

右小御河

園門接岸架金梁
所至無非共濟航
水態雲容浮檻外
高低照對正堪望

右普渡橋

一帶飛虹遠駕來
山朝水繞接樓臺
雲開銀漢波心鏡
高跨依稀步上台

右瑞霓橋

山邊河口石巖低
飲水波光金紫霓
曲磴蹉跎還絡繹
開通彼岸見平堤

右金竦橋

嵯峨峻峙插雲間古木靈柯積翠巒永
作藩屏金殿外儼然長在對南山

右秀潤山

蜿蜒隱伏勢巒岿雄峻高擎漢表間往
復雲從峰上起有時作解萬人歡

右龍蟠山

屹嶭青葱不老顏高登拾級霧雲攀峻
嶒英石蚪龍勢花樹凝禧四序間

右安祥嶺

綿亘橫臨列幃屏鬱葱佳氣儼天成松
陰三兩梅花鹿嶺表時聞數鶴鳴

右平嶺

神功莫測妙胚胎透漏玲瓏月窟崖休
問劉郎歸去日太行不是亦天台

右崆峒洞

後苑宮垣達小河石關培築鎮橫波高
低嚴肅金魚子水陸咸歸統一家

右東安水關

秋晴步過御園即景口號

晴雨均勻節候調南方氣煖草花饒潦
消九月蓮猶放霜淡重陽菊愈嬌板蕩
蜻蜓羅柳絮匆忙鸚鵡競松條望秋弗
患蕭疎樹似是風光勝北朝

御園偶筆

閒鞋數武過池塘一望晴和靄
豔陽淑氣自然凝樹色惠風不覺送花香
枝頭宛轉鶯聲緩檻外翩翩蝶翅忙
物態可知春意好催人放筆詠成章

高閣生涼

瀛洲圓嶠傑閣岑樓名為海靜年
豐但望時和歲美平湖鋪練可徵
海不揚波宮樹含青以驗禾堪望
歲不但蒲葵清爽怡情自有生涼
靜觀天地文章治世誠爲樂趣

蓬洲高閣矗雲霾無限湖山眾妙該翠澗
簫箏時雨過芳圃荷芰惠風來輕敲細練
浮紋綺乍點新痕滑綠苔時若足徵光景
好年豐海靜吉祥開

高閣生涼



神

京

第六景

長寧垂釣

長寧宮中建王字殿外構湖心亭

智水長存芝堤拂觀音之竹仁山

仰止英石依羅漢之松岩漾晴波

泛泛逐乘風之舫澄明淨練輕輕

移邀月之舫白衣枝上能言賴尾


池心可飼

湖亭澄湛印晴虛雲態波紋巧卷舒柳絮
風竿粘細縷荷香月檻集長裾池頭影落
鳴孤鴈舟裏人憇哭小魚宮闕蓬壺仁壽

域

安輿時奉賞閒餘

長安御製詩



神

京

第七景

幸長寧宮作

孤鴈入
群格

幾餘趁曉泛僊艫一櫂珠宮達玉除燕

舞鶯歌芳節勝竹筠松韻惠風舒瞰波

雲擁空中閣憑檻香聞案上書山水有

情仁智樂

乾

坤生色帝王居

幸長寧宮步唐貞觀秋日翠微宮

元韻

秋暉開霽色瑞彩盪珠宮
霜樹妝紅葉池波印碧空
蘭階凝玉露菊徑散金叢
風過花臺外香生桂殿中

御題名勝圖繪詩集卷之一 止

明興名勝圖會

